



PER LA LENGA OCCITANA

· MANIFESTACION ·

**24 D'OCTOBRE
14 ORAS**

COORDINACION «Per la lenga occitana !»

IEO - Institut d'Estudis Occitans, organisme culturel reconnu d'utilité publique

Calandreta, enseignement laïque immersif occitan

Contacts : contact@anem-oc.org

04 67 06 81 16 / 06 88 59 69 04

06 84 73 67 65

CRIDA A MOBILIZACION !

La lenga occitana es marcada per l'UNESCO coma una dei lengas en « dangier seriós d'extincion ».

Fàcia a aqueste perilh de mai en mai gròs, e ai riscas de regression qu'amenaçan nòstra lenga, la « Coordinacion per la lenga occitana » rampèla a una mobilizacion ciutadana per una granda Manifestacion sociala e revendicativa en favor de l'occitan, lo :

**Dissabte 24 d'octòbre de 2015
A 14h, a Montpelhier**

De fach, despuei 2005, la Coordinacion a pas decessat d'alertar lei poders publics de l'urgéncia de metre en plaça una politica linguistica publica coerenta e volontarista per la transmission e lo desvolopament dei lengas regionalas (e adonc de l'occitan), **de la necessitat d'une lèi qu'oficialize sa reconoissença e li garantisce un estatut juridic legau propici a son expandiment.**

Lei manifestacions de Carcassona (2005 e 2009), Besièrs (2007), e enfin la darriera de 2012 qu'acampèt 30 000 personas a Tolosa, an ben mostrat l'existéncia d'una vertadiera demanda sociala per la preséncia de l'occitan dins la vida publica.

Emai aquesta seria de manifestacions, ague permés quauqueis avançadas, **lei progrès ne'n demòran pasmens fòrça insufisents.**

... Se mai d'una collectivitat territoriala prenguèron consciéncia de la necessitat de metre en plaça de mesuras en favor de l'occitan, **l'Estat, per quant a eu, refusa totjorn d'assumir sei responsabilitats sus aquesta question.**

La crisi deu pas servir d'escapatòri per escafar la question dei lengas regionalas dau debat public, per anar de reculon e faire demenir lei mejans mes a disposicion per son desvolopament.

Mai ont an donc passat totei lei belei promessas ?

Entre autrei : la promessa n° 56 : « *Je ferai ratifier la Charte européenne des langues régionales ou minoritaires* » ? Una majoritat de deputats avián votat lo principi de la Ratificacion de la Carta europenca, mai despuei... plus ren !

D'otra part, venèm de subir una reforma territoriala qu'a pas ges tengut còmpte de la dimension linguistica de nòstre territòri.

E oblidem pas la tota darriera que vèn de sortir ! Coma acceptar una reforma dei collègis qu'es quasiment una programacion de la disparicion efectiva de l'ensenhament dei lengas regionalas, tre 2016 ?

Per ansin la « Coordinacion per la lenga occitana », crida un còp de mai a rampelada a mobilizacion de toteis aquelei que revendican la preservacion e lo desvolopament de la lenga occitana (patrimòni immateriau de l'umanitat) que nòstrei territòris an en partatge.

Devèm afortir un còp de mai lei drechs de nòstra lenga e sa legitimitat !

**« Anem Òc ! per la lenga occitana ! »
Totei a Montpelhier lo 24 d'octòbre de 2015 !**

La Coordinacion

